

AR PILLAOUER

Va zad en deuz va dimezet
D'eure'hoz fléris pillaouer ; (diou wech)
En Lokewret ez eo ganet
En komanant Toul-al-Laër

DISKAN

Fœi, fœi, fœi war va zammig ôtrou,
Gant e stoup hag e billou !

Tri devez goude va eured
E oa foar en Landerne, (diou wech.)
Ha va lapous, prim dihunet,
A zaill emêz e wele.

Drailla'ra eun hanter pater,
Tana'ra e gorn butun ; (d. w.)
Tapout a ra e grog-poezer
Evit mont war hent Sizun.

Pa oa an hanter-noz sonet
E Iliz vraz ar Fouille,
Mé oa eun intanvez glac'haret,
Va unan'barz va gwele.

Kavet en doa kamaraded
En eur vont da billaoua ;

E holl arc'hant en doa fouetet
Ha tamm pillou'bet n'hen doa !...

Pa c'ha Yannig d'ar pardonioù
Beweck e vez mezo-dall ;
Prest a oa da goll e vragou
En Lokewret, an de all...

Pa zenio ar c'hiz er vro-man
Da derri an dimezioù,
Me a c'haio en eur gana
Pell deuz pôtréd ar pillou !

Pa zeuy karigel an Ankou
D'ober he zro er vro-man,
Me a redo war he roudou
Hag hen pedo d'hen samma.

P'hen devo an Ankou boutet
En toull, ar c'hoz Pillaouer,
Me a c'haio en eur gana
Da gomanant Toull-al-Laër :

DISKAN

Maro e va zammig ôtrou,
War e stoup hag e billou !...

— 4 —

Komzet'vo d'an otron Person
 Deuz ar flénius Pillaouer
 'Vit ma kano al « liberou »
 Hag ouspenn al *Lip-e-rér* !...

DISKAN

Maro é va zammig otron
 War e stoup hag e billou !...

Son ar *Pillaouer* a zo bet savet a greder enn tri-ugent vloa benak'zo gant an O. Bodeur, bet person en Lokewret en Kerne-Uhel. Deut eo da veza anavezet kazi dre-holl elec'h ma komzer brezoneg.



Gwillou Rouz, mab ar Bleiz
 En deuz drebet kant barr heiz ;
 Eur bodezad bara draillet,
 Ha c'hoaz na oa ket hanter-garget ;

Eur chidourennad youd,
 C'hoaz e lavare na oa ket boud ;
 Hag eur varazad lèz kaouledet
 Ha c'hoaz na oa ket kreunvet ;

Hag e lavare e vamm :
 — « Klanv eo Gwillou pa na zreb tamm ? »

